

پولس گرفتار بہ

۲۷ چیزی بہ آخر ہفت روزِ تطہیر نمائستہ بو کی چند نفر یہودی جہ منطقہی آسیا، پولسِ معبد میان بیدہیدی۔ اوشان مردوم میان شورش بر پا بوکودیدی و اون بیگفتیدی، ۲۸ فریاد زہیدی: «ای اسرائیلیان، کومک بوکونید؛ آن، ہونہ کی ہمہ کس، ہمہ جا بر ضدِ امی قوم و امی شریعت و بر ضدِ امکانِ تعلیم دہہ، ہطویم غیر یہودیان اورہ معبدِ دورون و امکانِ مقدسِ نجست کونہ.» ۲۹ اوشان پیشتر، ثروفیموسِ افسوسی کی یہودی نوبو شہرِ میانی پولسِ امرأ بیدہید و فکر کودیدی پولسِ اون خو امرأ ببردہ معبدِ دورون۔

۳۰ شہرِ میان آشوب بر پا بو بوستہ! مردوم جہ ہر طرف ہجوم باوردیدی و پولسِ بیگفتیدی، فکشہیدی جہ معبدِ ببردیدی بیرون و فوری معبدِ دران اون پوشت سر دوستیدی تا پولسِ نتانہ واگردہ معبدِ دورون۔ ۳۱ اوشان سعی داشتیدی اون ببرد بوکوشید۔ بہ روم سپاہیان فرماندہی خبر فارسہ کی تومام اورشلیم میان آشوب بر پا بو بوستہ۔ ۳۲ اون فوری خو سربازان و افسران امرأ بوشو مردوم میان۔ وختی مردوم، فرماندہی کی خو سربازان امرأ بو، بیدہیدی جہ پولسِ زن دس بکشہیدی۔

۳۳ فرماندہ نزدیک بوستہ و پولسِ دسگیر بوکودہ و خو سربازان دستور بدہ کی اون دوتا زنجیر امرأ دودید و بزین وورسہ کی اون کیسہ و چی بوکودہ؟ ۳۴ چند نفر فریاد زہیدی ایچی گفتیدی، چند نفر فریاد زہیدی ایچی دیگر گفتیدی۔ فرماندہ کی داد و فریاد فراوان میان نتانستی حقیقت بفہمہ، فرمان بدہ پولسِ ببرد قلعہ

دورون. ۳۵ وختی پولس فارسہ قلعه راہرو پله ورجہ، مردوم ہجوم باوردیدی کی اون بوکوشید. سربازان مجبور بوبوستیدی کی اون خوشان سر دس جور، ببرد. ۳۶ مردومی کی اوشان دونبالسر آمون دبید، فریاد زہیدی: «اون بوکوشید!»

پولس مردوم امرأ گب زنہ

۳۷ هنوز پولس قلعه دورون نبرده بید کی پولس، فرماندهی بوگفته: «اجازہ دیہیدی شمراچی بگم؟» فرمانده بوگفته: «تو یونانی گب زنی؟ ۳۸ مگر تو هو مصری نی یی کی چندی پیش آشوب بر پا بوکودی و چهار ہزار نفر آدمکوش تی امرأ ببردی بیابان میان؟»

۳۹ پولس بوگفته: «من ایتا یهودی، شہر تارسوس کیلیکیہ شین ایسم، شہری کی بی نام و نیشان نی یہ. خواہش کونم ایجازہ بدید مردوم امرأ گب بزئم.» ۴۰ وختی فرمانده ایجازہ بدہ، پولس بوشو پله جور بہ پا بیسہ، خو دس مردوم طرف دراز کودہ. وختی ہمہ ساکت بوستید، بہ زبان عبرانی اوشان بوگفته: